

## PENDAHULUAN

### (a) TUJUAN KAJIAN DAN KEPENTINGAN KAJIAN

Kajian ini bertujuan untuk memastikan sejauh manakah kegiatan wanita dijalankan di kampung-kampung dan disamping itu cuba pula dilihat apakah sumbangan yang dapat mereka berikan disebalik kesibukan mereka sebagai suri rumah tangga.

Pengkaji juga ingin melihat adakah kaum wanita melebihkan diri di dalam membuat keputusan yang bersabit dengan perbelanjaan dan simpanan. Disamping itu ingin juga dilihat setakat manakah penglibatan wanita dalam membuat keputusan di dalam perkara-perkara yang berkaitan dengan pertanian, pemilaman modal, pengeluaran dan penasaran.

Akhir sekali pengkaji ingin melihat bagaimanakah kaum wanita membahagikan masa di dalam urusan rumah tangga mereka disamping menolong suami meringankan tanggungan keluarga. Dalam lain perkataan bagaimanakah kaum wanita membahagikan masa nemahi tanggungjawab sebagai seorang ibu dan isteri dalam membantu suami menampung perbelanjaan keluarga.

... Dengan kajian ini dapatlah pengkaji mengetahui apakah beban yang ditanggung oleh surirumah. Ia dapat menggambarkan betapa beratnya tanggungan kaum wanita disamping berkewajipan menguruskan rumah tangga terpaksa pula membantu suami untuk menampung perbelanjaan harian.

(b) BIDANG KAJIAN

Kepentingan sumbangan kaum wanita terhadap rumah-tangga hanya dapat dilihat melalui peranan yang dimainkan oleh mereka sendiri. Ini kerana peranan yang dimainkan itu dapat pula mempengaruhi status mereka dalam masyarakat.

Wanita yang menjadi tumpuan pengkaji ialah wanita luar bandar atau wanita kampung yang telah berkahwin dan juga anak-anak gadis. Ini membawakan kepada keadaan dimana wanita-wanita ini banyak memainkan peranan yang penting semada di dalam rumah ataupun di luar rumah dengan tujuan untuk menambahkan pendapatan suami dan juga memenuhi masa lapang dan menambahkan pengetahuan.

Bidang ekonomi dan sosial lebih diambil berat oleh pengkaji. Tumpuan dilakukan ke atas soal-soal yang bersifit dengan jenis pekerjaan yang dilakukan. Yang berorientasi pertanian seperti memuli padi, menanam padi, menjemur padi dan juga penanaman getah. Yang bukan berorientasi pertanian pula ialah hal-hal yang berkaitan dengan perniagaan, menganyam tikar dan lain-lain yang dapat memberi sumbangan di dalam ekonomi terutama sekali di dalam menambahkan pendapatan keluarga.

Pengkaji juga melihat bilakah waktunya kaum wanita tersebut menjalankan aktiviti-aktiviti mereka itu, semada di waktu pagi atau petang ataupun di lain-lain waktu. Pengkaji melihat berapakah jumlah dalam sehari dan berapa bulan dalam setahun mereka telah menggunakan tenaga mereka dalam bidang tersebut.

Di dalam rumah tangga, perkara yang menjadi tumpuan ialah hal yang bersabit dengan kerja harian wanita seperti memasak, membasuh, menjaga anak-anak, mengambil air, berkeras rumah dan sebagainya. Ia juga berkaitan dengan gotong royong iaitu derau, kumpulan 'kutu' dan lain-lain yang berhubung dengan kegiatan sosial di luar rumah.

Akhirnya, pengkaji mahu mengenalisa tentang sikap atau pandangan masyarakat terhadap kaum wanita yang bekerja. Iaitu samada si suami itu lebih suka isterinya bekerja di bendang atau hanya di rumah sahaja. Bagi si isteri pula adakah mereka lebih suka bekerja di bendang atau di rumah atau kerja-kerja lain jika ada pilihan.

(c) MODE KAJIAN

Kajian luar bermula dari 23hb. Mac hingga 1hb. Mei, 1981. Pengkaji telah tinggal di Kampung Pengkalan Berungan sehingga kajian selesai dijalankan. Dalam menjalankan kerja luar ini, pengkaji telah menggunakan berbagai-bagai metode kajian untuk mendapatkan maklumat dan data-data yang diperluken. Ini adalah kerana se-muatu keadaan masyarakat itu mungkin memperlihatkan 'response' yang berbeza dengan masyarakat yang lain. Likikat ini bergantung kepada faktor-faktor seperti taraf pendidikan, sikap masyarakat dan juga perkara yang hendak dikaji. Gabungan cara kajian secara teori dan kerja luar merupakan cara yang paling sesuai untuk mendapatkan maklumat dan gambaran yang lebih akurat dan jelas tentang latar belakang dan kemandan tempat yang dikaji.

( i) SOAL SELIDIK

Soal selidik merupakan cara yang pertama yang telah dijalankan oleh pengkaji dalam membuat kajian ini. Jadual dan soal solidik ialah dua alat penting kepada pengkaji dalam mendapatkan data-data.

Jadual dan soal solidik merupakan tindakan pengkaji menycaal soalan-soalan yang disediakan dan kemudiannya monoatit sendiri jawapan-jawapan yang diberikan oleh responden. Terdapat dua bentuk soalan yang dikemukakan iaitu soalan 'structured' atau soalan tertutup dan soalan 'unstructured' atau soalan terbuka.

Kajian soal selidik ini dijalankan dari rumah ke rumah iaitu semasa responden pulang dari bekerja. Seranai empat puluh enam responden telah disoal dan diselidik.

( ii) PEMERHATIAN

Cara kedua ialah pemerhatian. Ia dilakukan semasa pengkaji monziarahi dari rumah ke rumah untuk melakukan kajian. Didapati juga semasa pengkaji sama-sama menjalankan aktiviti harian yang dijalankan oleh penduduk-penduduk kampung. Semasa pemerhatian inilah pengkaji monoatit apa yang dilihat. Pemerhatian juga bertujuan untuk menguatkan lagi kebenaran jawapan yang diberikan oleh respond ketika di-

tembusan iaitu adakah jawapan itu berpadanan dengan keadaan yang sebenar atau sebaliknya. Menurusi perhatian juga dapat dilihat gambaran yang lebih jelas bagaimana kaum wanita menjalankan tugas mereka.

(iii) PERBUALAN

Cara yang ketiga ialah dengan mengadakan perbualan secara 'informal interview' ini amat perlu sekali untuk melengkapkan maklumat-maklumat dan data-data yang diperlukan yang tidak dapat dipenuhi dengan kajian secara schedule. Dengan membiarkan responden memberikan penjelasan tentang sesuatu perkara secara 'informal', kadangkala mereka akan memberi maklumat yang kemungkinannya tidak akan dikeluarkan secara sedar. Pengkaji juga merasa bahawa responden lebih suka bercakap dan berbual daripada mengisi soalan soal solidik. Dari sudut lain, perbualan dapat juga membujuk hubungan yang mesra di antara pengkaji dengan responden. Situasi yang seumpama ini nyata sekali penting untuk mendapatkan data-data yang tepat.

Salah satu perkara yang penting dalam menggunakan metode ini kerana ia lebih 'flexible'. Dalam artikata lain pengkaji dapat mengemukakan soalan kembali sekiranya terdapat keraguan terhadap sesuatu jawapan.

Juga boleh dikatakan bahawa corak perhatian dan tembusan ini boleh menguatkan pendapat mengenai satu-satu perkara atau keadaan yang berdasarkan pada pernyataan.

#### ( iv) RUJUKAN PERPUSTAKAAN

Selain daripada ketiga-tiga metode yang digunakan, pengkaji juga memasukkan metode rujukan perpustakaan. Ini semata-mata untuk mendapatkan maklumat-maklumat yang lebih lanjut lagi tentang tajuk-tajuk yang hendak dikaji. Disamping itu ia berfungsi sebagai panduan kepada pengkaji untuk mendapatkan penerangan yang lebih tepat tentang pembangunan sosio ekonomi dan peranan serta penglibatan yang dimiliki oleh kaum wanita.

#### (v) KESULITAN DALAM KAJIAN

Semasa menjalankan kajian, pengkaji menghadapi berbagai-bagai kesulitan. Tempat kajian ini belum pernah lagi dilawati oleh pengkaji. Ini membuktikan pengkaji tidak tahu ke arah mana hendak dituju bagi melaksanakan kajiannya.

Kedudukan diantara sebuah rumah responden dengan sebuah rumah responden yang lain sangatlah jauh iaitu kira-kira sepuluh minit perjalanan. Ini melembekkan pergerakan pengkaji. Keadaan kampung yang menjadi tempuan pengkaji juga menimbulkan kesulitan kepada pengkaji. Tiada bekalan air yang terdapat di kampung ini. Oleh itu pengkaji terpaksa menggunakan air perigi yang berlumpur dan dalam. Adakah air perigi kokereng disebabkan oleh musim kemarau. Oleh itu pengkaji terpaksa mandi dengan menggunakan air sungai. Semestinya itu perlindutan bas pula akan menyulitkan iaitu sebanyak setiap satu jam.

Pengkaji juga menghadapi kesulitan untuk menemui responden kerana kebanyakannya daripada responden bekerja dari pulak enam pagi hingga ke pulak enam petang. Pada malamnya pula sudah tentulah mereka ini letih dan mungkin tidur selepas sahaja mengerjakan sembahyang Isyak. Jadi ini tidak memberi peluang dan masa kepada pengkaji untuk menemu昧 mereka.

Terdapat juga responden yang tidak bekerjasama dengan pengkaji. Pernah pada satu ketika pengkaji telah dimaki harun oleh responden disertai dengan sindiran-sindiran yang tajam yang menyentuh hal-hal peribadi pengkaji. Apabila ditanya berkennen dengan harta benda responden, mereka cuba menyembunyikan atau memberi jawapan yang bertentangan dengan keadaan yang sebenar. Ini terbukti apabila ditanya pada jiran-jiran tentang latar belakang mereka dan juga melalui perhatian pengkaji selama lima minggu tinggal bersama mereka. Ini menyulitkan pengkaji untuk mendapatkan data-data yang topat berkennen dengan diri responden. Selain daripada responden, penghulu kampung juga sukar untuk dihibungi bagi mendapatkan latar belakang mengenai kampung. Perkara ini terjadi disebabkan oleh penghulu kampung itu tinggal di tempat lain. Jadi beliau jarang berada di kampung itu. Untuk mendapatkan maklumat mengenai latar belakang kampung, pengkaji terpaksa berutus surat dengan penghulu dan kadang-kala berulang alik ke rumahnya.

Terdapat responden-responden yang tidak memahami soalan-soalan yang dikemukakan. Oleh itu pengkaji terpaksa menerangkan dengan panjang lebar. Ini menyababkan sedikit sebanyak termasuk juga buah fikiran pengkaji didalam jawapan yang diberikan oleh pihak responden.

(e) KONSEP PERANAN WANITA

Terdapat beberapa kontroversi tentang persoalan mengenai peranan wanita seperti yang dikemukakan oleh Friedel (1975) dalam bukunya Women And Men Anthropologist View. Ada pendapat yang mengatakan bahawa perbezaan dari segi biologi dan psikologi diantara wanita dengan lelaki adalah menjadi sebab-sebab yang berkesan dalam pembahagian tugas-tugas dan hak dikalangan wanita dan lelaki dalam semua masyarakat. Pendapat yang lain pula menyatakan bahawa peranan jantina adalah satu fungsi yang bukan merupakan satu warisan biologi tetapi berdasarkan pada keadaan-keadaan sosio-budaya.

Aliran pemikiran yang berorientasikan biologi ini seterusnya menyatakan bahawa jika terdapat ciri-ciri sosio-budaya yang sama dalam semua masyarakat maka persamaan-persamaan ini terjadi atau terjelma hasil daripada faktor-faktor genetik. Menurut aliran ini lagi terdapat garis perbezaan yang mengatakan peranan yang dilakukan oleh wanita dan lelaki. Dengan lain perkataan, pembahagian tugas berdasarkan pada seks atau jantina merupakan satu perkara yang universal yang juga terdapat dikalangan masyarakat primitif, yang mana aktiviti seperti berperang, memburu dan membina

tempat kedianan adalah biasanya didefinasikan sebagai 'masculine' manakala aktiviti-aktiviti yang melibatkan penjagaan anak-anak, memasak, pertukangan tangan dan lain-lain kerja yang melibatkan rumah tangga adalah dianggap sebagai 'feminine' (Seward, Williamson, 1970:4). Pandangan yang serupa juga telah disarangkan oleh Lewis (1979:86) dimana beliau mengatakan bahawa:

"This complex of roles constitutes the normal expectation of adult women in society or 'the' female sex role. Sex role ideology specifies different ways for women and men to participate in all institutional spheres of society".

Peranan wanita adalah hanya berunsur 'domestic' iaitu dalam lingkungan rumah tangga sahaja. Wanita adalah hanya bertanggungjawab dalam penjagaan anak-anak dan penyediaan makanan dan bukannya dalam membantu binatang liar ataupun mengerjakan kerja-kerja berat di luar rumah. Peranan utama wanita ialah dalam pengurusan rumah tangga dan keluarga. Ini disebabkan oleh perannnya sebagai ibu yang menentukan corak kehidupan seseorang wanita itu dan ini merupakan faktor yang penting dalam memahami peranan sosial.

Walaubagaimanapun aliran pemikiran yang kedua juga berpendapat bahawa terdapat perbezaan diantara peranan wanita dengan lelaki, tetapi menurut mereka perbezaan-perbezaan ini bukanlah suatu yang rigid. Mereka menyayarkan bahawa di dalam setengah-setengah

masyarakat terdapat wanita yang turut serta dalam politik seperti dalam masyarakat Iroquois di Amerika Utara dan sebagian besar dari masyarakat di Afrika. Wanita juga menurut mereka lagi telah pernah menjadi Pardana Menteri seperti di Israel, Sri Lanka dan pada masa kini di India dan Britain. Dari segi perdagangan dan juga kerja-kerja pertukangan, wanita tidak ketinggalan memainkan peranan seperti yang terdapat dikalangan masyarakat Afrika Barat.

Mereka bersetuju dengan aliran pemikiran ini juga berdasarkan perbahasan mereka pada faktor-faktor biologi tetapi cara mereka menginterpretasikannya adalah berlainan. Mereka menyarankan bahawa variasi-variasi yang terdapat di dalam aktiviti dan pola-pola perlakuan dikalangan manusia adalah terjadi kerana perbezaan diantara anatomi dan fisiologi mereka walaupun begitu ketara sekali sepetimana yang disarikan oleh kumpulan yang berorientasikan biologi tadi sahaja yang mesti diperhatikan sebagai pentur yang penting dalam peranan jantina. Mereka juga tidak menafikan terdapatnya 'male dominance' dalam semua masyarakat tetapi hakikat ini bukanlah tidak dapat dielakkan atau diubah dan tidak semestinya berkekalan.

Oleh itu kini terdapat dua aliran yang bertentangan. Yang pertama mengatakan bahawa peranan wanita adalah hanya dalam lingkungan keluarga dan rumah tangganya disebabkan sifat-sifat semula jadi wanita bersesuaian dengan peranan yang dilakukan ini semenara aliran kedua pula mengatakan bahawa peranan seperti ini tidak semestinya berterusan kerana bolch

diubahsuai mengikut kedaan social atau perkelilingan. Oleh itu tujuan latihan ilmiah ini adalah untuk melihat seanda peranan luar bandar di tempat kajian ini boleh diklasifikasikan ke dalam kumpulan yang pertama atau pun yang kedua ini. Tidak dapat dinafikan bahawa kaum wanita di negara ini juga mengalami kedaan yang sama di satu masa dahulu iaitu mereka hanya mempunyai perhatian dan peranan mereka pada aspek keluarga dan rumah tangga sahaja. Tetapi kini keadaan seperti ini telah jauh berubah. Telah ramai kaum wanita kita yang memainkan peranan penting dalam semua aspek seanda di dalam bandar maupun di kawasan luar bandar. Salah satu daripada peranan wanita ialah kerja.

(1) DEFINASI KERJA

Menurut Mc Luhan, seorang pakar sosiologi:

'Work, by its use of nature as a means to satisfy human needs, creates wealth, the value of things'.

(dipetik dari Tilgher, 1958:164)

Sambil itu, Raymond Firth, seorang pakar antropologi mendefinisikan perkerjaan sebagai satu set perhitungan sosial disamping perhitungan teknologi dan ekonomi kerana menurut beliau,

'Work occurs frequently as group behaviour usually performed by some persons in connections or co-operation with other persons for the benefit of yet still other persons and often involves collective motivation, co-ordination and evaluation'.

(dipetik dari Bryant, 1972:3)

Dalam masyarakat perindustrian moden, kerja diidentifikasi sebagai cara-cara bagi mendapatkan keselamatan atau kemudahan ataupun kesenangan hidup. Dalam masyarakat simple pula kerja adalah untuk memenuhi keperluan asasi seperti makanan, pakaian, perlindungan dan sebagainya. Dalam masyarakat simple ini setiap individu menggunakan kebanyakan daripada hasil yang dikeluarkan. Kadangkala mereka juga bertukar-tukar hasil pengeluaran mereka bagi memenuhi keperluan asasi mereka. Mereka kurang berinteraksi dengan masyarakat luar.

Pengertian pekerjaan bagi wanita yang telah berumah-tangga tidaklah sama dengan yang dimengertikan oleh wanita yang belum lagi mengalami alam berumah tangga maupun oleh kaum lelaki. Ini disebabkan oleh kebudayaan yang telah mempengaruhi pandangan sosial masyarakat terhadap pekerjaan. Ratai wanita menganggap iaitu pekerjaan merupakan kerja-kerja yang mendatangkan pendapatan walaupun kerja-kerja di dalam rumah tangga walaupun diwujuk perkataan 'kerja' merupakan sejumlah tugas yang semulajadi bagi kaum wanita yang tidak dapat dipisahkan. Wanita tetap juga melakukan tugas-tugas mereka sebagai isteri, ibu dan suri rumah tangga berterusan walaupun mereka menjalankan pekerjaan di luar rumah

Bernut Berling (1975:18)

'The pre dominance of agriculture in rural areas means that women do not have the range of alternatives enjoyed by their urban counterparts'.

Seterusnya beliau mengatakan iaitu dalam kes dimana kaum wanita luar bandar atau kampung bekerja, pekerjaan mereka adalah merupakan sebagai 'unpaid family helpers' di ladang-ladang kepunyaan keluarga. Di Kampung Tongkulan Berungan dimana pengajiji meminat kajian, terdapat juga kaum wanita yang mengambil upah bekerja di sawah atau di ladang. Mereka ini diberi upah mengikut bilangan hari mereka bekerja. Selainnya tuan-tuan kebun dan sawah ini terdiri daripada penduduk-penduduk luar dari kampung itu sendiri. Kerja-kerja yang dilakukan oleh kaum wanita tersebut walaupun ada yang di luar rumah adalah hanya sekadar menambah pendapatan suami dan bukannya pekerjaan yang mendatangkan pendapatan-pendapatan tetap seperti dalam definisi kerja. Pekerjaan yang sering dilakukan oleh responden ialah sebagai 'unpaid family helpers'. Lebih kurang 70% daripada responden terlibat di dalam aktiviti ini.